

تعليم

الرياء و ضياع الهدف

أبونا بافلوس سمير



ملخص الوعظة

ويُلّ لكم أيها الكتبة والفريسيون المراءؤون! لأنكم تاكلون بيوت الأراامل، ولعلّة تطيلون صلواتكم. لذلك تأخذون دينونة أعظم.

— (متى 23 : 14)

معنى الآية

- تبكيت ربنا للناس دي بسبب الرياء: أظهر غير اللي جوايا عشان مش عايز أبان وِجش (زي القبر المبيّض من الخارج) ... دي خطية أساسها الكبرياء

- اللي باين للناس من برة: صلوات طويلة (دي حاجة كويسة) .. و لكن لعلّة!! اللي جوة: تأكلون بيوت الأرامل
- المعنى: لّمّا حد ينتقل و يروحوا يصلوا عليه, يطيلون الصلاة عشان ياخدوا فلوس أكثر ... عشان كده ربنا وصى التلاميذ: مجاناً أخذتم مجاناً أعطوا

الناس دي كانت في مناصب قيادية عند اليهود ... بالتالي كلام ربنا هنا لكل واحد في موقع مسؤوليّة

أسباب الرياء

المشكلة الرئيسية: الهدف من الصلاة عندهم ضاع تماماً

- يا إما هدف غلط زي الكتبة و الفريسيين (عايز ياخذ فائدة أو مدح من الناس) يا إما **الهدف مش موجود** (نصلي ونصوم كما لقوم عادة مع الكنيسة و خلاص)
- ده عكس ناس كتير مكانتش بنفس التدين الظاهري للكتبة و الفريسيين لكن هدفهم من الصلاة كان واضح و صحيح زي: الكنعانية - نازفة الدم - أصحاب المفلوج ... كلهم كان هدفهم زي يعقوب لّمّا قال لربنا: **لن أطلقك إن لم تباركني**
- ربنا هدفه واضح و إرادته أعلنها لنا بوضوح من البداية: خلاصنا .. **ده لازم يكون هدفنا الرئيسي: أوصل السما**
- أهداف حياتنا المرحلية (سواء في حياتنا اليومية أو في بيتنا أو شغلنا أو دراستنا أو خدماتنا أو تعاملاتنا) **لازم تخدم هذا الهدف الأساسي** و تكون على نفس الخط معاه ... لو فيه تعارض يبقى الهدف المرحلي غلط

لازم كل خطوة في حياتنا الروحية يبقى لها هدف ... و مش هيوصل للهدف غير اللي عينه عليه

🎯 ضياع الهدف

فيه مشاكل كثير نتايجها إننا نفقد الهدف الصحيح في حياتنا الروحية:

1. غياب الهدف:

من الأول أنا مش عارف أنا عايز إيه

2. ضياع الهدف:

اتشئت في وسط الرحلة (زي يهوذا) .. ناس كثير بدأت وماكملتش الطريق الروحي (زي ديماس تلميذ بولس) ... الشوك (مشاغل الحياة ومغرياتها) خنق الزرعة فلم تُثمر

3. انحراف الهدف:

زي الكتبة و الفريسيين اللي هدفهم أصبح هدف غلط

حلها التوبة (تغيير الاتجاه) و الاعتراف

🔗 أنواع العلاقة بربنا

المقياس أو الترمومتر في رحلتك: مدى علاقتك بالله، إوعى يبقى فيه حاجة شغلاك عنه أو عن الهدف ده

• علاقة ملغية (مش موجودة):

ناس رافضة وجود ربنا و عايزة تعيش على مزاجها

• علاقة أمنية:

"نفسى أبقي كويس بس مش قادر" .. يفضل حياته كلها يتمنى بس مش بياخد خطوة إيجابية
=> للأسف إيمان بدون أعمال ميت

- **علاقة نَفعية (مصلحة):**

أنا مع ربنا طول ما حياتي كويسة و ماشية على مزاجي فقط (كأنه بيقول لربنا: لتكن مشيئتي) ... لو حصل حاجة مش على هواه بيقلب على ربنا

- **علاقة وقتية:**

مواسم بس (أسبوع الآلام أو بداية السنة) ... لو ليك هدف لازم تكمل الطريق مش ترجع اللي مشيته بعد ما الموسم يخلص

- **علاقة حقيقية:**

و دي مش مقتصرة على الرهبان أو الكهنة فقط ... لازم يكون فيه كل يوم

- **اتصال:**

(مقياس المحبة هو الاتصال): مش بس الكنيسة، لازم في المخدع علاقة شخصية: **صلاة**

من ناحيتي و ردّ في الكتاب المقدس من ناحية ربنا

- **اعتذار** لها أزعل ربنا:

محاسبة النفس و توبة كل يوم قبل ما أنام

كل نَفَس أننَسَمه. أصبح اسمك القدوس. يا ربى يسوع المسيح مخلصي الصالح

— إِبْصَالِيَة السَّبْت

ربنا يدينا إننا نضع هدف صحيح لحياتنا الروحية: العلاقة الحقيقية اليومية الدائمة مع الله ... و
نفضل محتفظين بالهدف ده طول حياتنا